

養默山房詩藁

養默山房詩藁卷二十二

松滋謝

卿

辛卯集

辛卯

新正四日同王雨山大令

夢齡

劉玉川

琅高

南村

樹榮

二贊府白雲峯

汝鵬

傅立山

紹

森

兩參軍徐青汝少府

裕

登清涼山賞雪

集飲江光一線閣

奇賞失飛霞

去臘約登冶城飛霞閣賞雪未果

新年興轉逸選勝陟

清涼殘雪更奇絕搗關松逕三客偕竹林七山四展

印深亭凸翠微出鍾阜遠迢迢長江近汨汨絕頂暢
豁眸小閣欣容膝梅舒凍餘藥柏挺凌寒質波光有
無閒春氣潛融溢屋瓦露鱗鱗煙篁冷瑟瑟陰凌洄
修榦野鼠騰飄忽曠覽娛清懷萃茲散花室去歲正
月三獨行踏律率微吟慰寂寥小佳惜倉卒今來又
一年恰較後一日勝侶偶得同杯盤羅肴核先拚玉
山頽莫辭金谷罰聽我歌陽春陳根漸冒櫟

遊隨園

一代文章伯飄零剩此園依山高下屋編竹短長垣
地僻峯多靜溪停水不渾匠心知獨運妙悟欲忘言

列岫仍當牖疎梅恰對軒禽魚今尙樂車馬昔何喧
壯歲眞辭組中年竟閉門煙霞成痼疾詞賦具仙根
碧海鯨誰掣青天手莫捫才華千古艷壇坫幾人尊
六代饒金粉三吳富芷蓀當場空笑郭此事遂推袁
惜我生偏晚無從與細論敢矜聲律貴終愛性靈存
種樹爲奴僕看花到子孫爲尋江令宅重問謝公墩
曉靄雲將暮低徊日又昏莫愁歸路遠新月露春痕

鮑貞烈女詩

山陽鮑氏女名同許字李恪未嫁恪卒後
一年父母納他姓幣女偕幼弟辭恪墓預

實硝磺衣絮中燃紙熾給弟他去引火自
焚弟反救死矣面如生同邑許生哀女志
函骨附恪墓且祠焉許卒其妻邱守節三
十年依祠以居吳人周旭遊淮安得其事
於邱爲作傳併徵詩

節烈秉禮義要多出於情禮有不得死義有不可生
徘徊生死際慷慨完吾貞哀哉鮑貞女一死何分明
未嫁婿天折兩小情無因雖知結髮重亦念高堂親
含悲依膝下命已鴻毛輕忽訝媒妁來采幣羞重陳
何難殉鋒刃陷親逼迫名託言展婿墓從容意焚身

硝磺裹衣絮心計良硜硜揆厥蹈義日不欲節烈鳴
許生崇高義獲報舉案人熒熒三十年先後揚風晴
周子作銘傳意使薄俗淳麗藻闡潛烈彤管邀

褒旌

道光六年雲汀宮保撫吳題請旌表

淮流自千古水清石磷磷

江行望攝山

昨來燕子磯邊宿曉起推篷見攝山萬樹冥濛收雨
腳一峯縹緲露煙鬟春陰可有霞栖岫地僻應無客
款關我已江南遊覽徧徧畱此境待追攀

高郵舟中

雨裏韶光老秦郵欲霽時桃花春水漲楊柳曉風吹

漠漠湖雲濕層層浦樹欹扁舟何限意一任去帆遲

大風泊大伊山

海州

天地有何苦忽然鳴不平小波猶怒立細牒豈能行
白日荒山氣青林折木聲未應鷗鷺侶滄海漫無驚

寄懷蔣淡懷秀才

志疑

二首

天上孤雲任好風隴頭流水自西東縱橫大地行踪
滿底事窮途哭阮公

長條莫繫一帆馳怪殺隋隄萬柳枝忽望停雲懷舊
雨明朝又是送春時

眞州渡江

東風吹花尾隔岸山氣昏平明派潯潯勢已孤帆吞
春潮漾初日出沒嬉江豚長年意閒暇楚客愁心魂
悠悠此江水西來歷荆門我家松滋渡山泉清不渾
一與狂瀾匯清濁無由分頽波日趨下况吾出山人
汲飲辨鄉味聊欲識其源泛遊習江海久耐波濤喧
中流喜安濟繫纜青蘆根徘徊望江北綠楊何處村
由三江口至龍潭

小港容舟入垂楊護野汀岸蘆連水碧巖岫接天青
牧笛風中度禽聲雨後聽故人如遲我

時錢伯仁亦在龍潭

先

擬倒雙瓶

眞州郊外書所見

春色竟歸去天氣餘溫和桃李零落盡菜花亦無多
城郭渺靜境散步尋林柯蔚然新綠叢小立觀麥禾
夾衣覺微暑輒已思輕羅農人無春夏晴雨披一蓑
耘鋤當日午自喜無煩苛此邦聚禹筴大觴高義舉
萬槁泊江濱森森如植戈利厚身命薄桀黠甘犯科
急持固非計縱之將若何亂絲不可理寶劍徒摩挲
解刀如買犢吾欲歸農阿卻還語耕者努力毋蹉跎
月夜過揚州察院前

時新裁
鹽政

散盡後門客今宵月始閒分來城一角剩此屋千間

皓色辭珠幌，清輝遠玉顏。誰憐歌吹歇，伴我踏莎還。
眞州旅館聞郭公烏誌感

馳逐習紛譁，久忘田園樂。忽聞幽鳥鳴，惘然念東作。
吾鄉四月中，二麥早收穫。良苗綠滿疇，靈雨欣時若。
陰陰灌木叢，聽此殊不惡。江南蒔種緩，仲夏始耕鑿。
眞州地瀕江，風景更索莫。殷勤向我啼，如訴農事薄。
歸田我未能，催耕爾勿矜。衆方調鸚鵡，聞爾生嫌憎。
聞舍弟元森至吳門作此寄之

失侶衡陽雁，飛飛到海濱。家書無一字，問訊有三人。
時偕來三人久慮風波險，今傳信息眞。所嗟萍迹滯，未得

話言親

墳墓應無恙家山近若何弟兄誰最健親戚爾常過
飽食謀非易飢驅謀已多相逢知不遠卻歎鬢將皤

老將和王二波都閩

嘉福韻

百戰沙場老却回夢中猶認夜銜枚誰憐白刃防邊
去屢見紅旗奏捷來荆楚往時多劍客漢家何日畫
雲臺金創遍體愁陰雨醉倒營門付酒杯

蹴鞠投壺事事精冰山瀚海屢橫行將軍恤卒同甘
苦壯士從軍易死生摧敵漫誇擒首逆論功曾許比
牙兵當時火伴皆豪貴獨幸安閒樂太平

苦雨歎

昨日雨今日雨一雨十日奈何許
祝融失權羲和離
伍蛟龍上天浸淫下土蓑笠老農不遑處
楚客睚眦
如穴鼠仰視鳴鳩拂其羽終日哀鳴雨苦苦

大水行

東方黯黯愁雲生
水亭垂芒侵月明
積陰晦曖昏晝
夜漏天忽放銀河傾
魍魎乘時弄狡獪
蛟螭亂竄攻
奔鯨幸鎖支祁奠
淮泗誰竊息壤堙
南荆江湖河淮
一時漲魚鼈勢欲游
江城民居百萬付
萍蕩荒墟聚
哭哀鴻驚殘隄斷
堰衆蟻附夜臥無
地炊無鎗倉卒

拯卹賴賢宰莫捫萬口啼飢聲其時盛夏轉陰冷浸
淫水氣迷炎精玉女投壺天易笑驍矢屢激雷霆轟
蟣虱小臣困下土仰號應鑒心丹誠願叱羲和馭赤
日盡收氛翳還太清黑蜨潛淵水母沒乖龍割耳商
羊烹百川順軌海波靜田廬涸露人歸耕况聞燕趙
頗亢旱雨師盍向北方行造化轉移在呼吸挹此注
彼鈞衡平啟明東耀扶桑旦萬國時若歡新晴我辭
未畢天神怒咄爾下土奚重輕水旱災疫有王者劫
由人造非天成野草自燔木自蠹滿則須槩虧斯盈
五行稷卨著乾象蚩蚩敢與蒼穹爭烏乎蒼穹安可

爭我獨哀此蚩蚩氓

黃鵠吟

鳳凰在阿閣萬里遊
虞郊鸞鸞鳳之族相將共翔翺
一立丹山上一棲碧梧梢
鳳凰語鸞鸞黃鵠豐羽毛
使之備巡徼飛飛來江臯
黃鵠止何所啄菹青林坊
遠遊久不返鸞鸞奪其巢
有子未得哺哀鳴聲嗷嗷
鳳鸞非不仁念爾心煩勞
乃令黃鵠去將子入蓬蒿
黃鵠羽旣鍛鸞鸞氣益驕
腐鼠啄且嚇啾啾復咬咬
黃鵠顧子歎何時冲青霄

去揚州

邗江一夜漲橫流問渡剛逢下水舟
聽說靈巖山色好不如歸泛五湖秋

題蘇鰲石觀察

廷玉

閒園刻燭圖

吳趨萬家眠已熟使君官閣方秉燭
堆案文書一尺強幾費平反心往復
官心日勞民氣蘇生意欣欣滿花木
園自名閒官不閒遠追白傅齊芳躅
此燭不照清夜游不照歌筵奏絲竹
直令下照覆盆底蒲鞭雖設無敲扑
卻憶當年下帷時殘檠夜伴三更讀

又題平江春曉畫舫詩成圖

馬上看山萬里回閒園刻燭漏聲催
誰知畫舫詩成

後春暖平江綠似醅

民力東南困轉輸催科政緩尙追呼爭傳使者清如水繞櫂無驚看浴鳧

綠楊風裏泝空明如此天光大有情興到不須重刻燭一聲欸乃促詩成

陽春有腳乍同時樹樹甘棠入詠思多少江南閒草木待公來發舊花枝

生長孫志喜

十一月初八日

吾年二十八生兒屬中年殷勤至成立日夜望兒賢讀書學詩禮頗解親簡編忽聞抱孫兒令我開歡顏

仲冬日丙辰其夕月初弦我時綜園府鼓鑄方喧闐
洪鑪寫赤側肉好萬箇圓孫降叶吉祥百鍊精英堅
吾家本寒素世業書與田溫飽幸自足所願非多錢
昔聞吾祖父愛我期光前迄今困丞簿逐逐塵埃間
在我已難恃妄想真堪憐來朝湯餅會但祝無災愆

養默山房詩藁卷二十三

松滋 謝元淮 默卿

胸海集

壬辰

重至揚州

竹西楊柳鎮依依極目寒郊景物非
水浸城根痕尙

在田荒原上草全稀還家舊燕尋巢
誤得食哀鴻念

侶違自古救災無善策當時一舸悔
輕歸去夏幫辦江都撫卹

奉調回蘇未竟賑事

醫女歎

夫擔男婦負女乞食廣陵淚如雨垢面蓬頭衣不完
逢人哀訴饑寒苦自言家住高郵鄉去此百里珠湖
傍有田三十畝夫耕婦蠶桑雞棲豚柵穀盈倉東隣
西舍歡豐穰去年春夏雨不止二麥無收秧爛死橫
流突過馬棚灣千人萬人漂浪底奪得性命出洪濤
全家丐食來江臯誰知此邦亦蕭索飢驅早向他方
逃鄉村無人到城市可憐困苦存皮毛亦知凍餓難
久活會須旦暮埋蓬蒿一女方六齡一兒未離乳抱
中不忍死前拋賣女求易升斗黍兒呱呱女嗶嗶蹙
額呼天天蒼蒼母禁女號捉女臂女不肯前母揮涕

此女嬌癡未長成捧籌堂前能掃地回頭忽向大
啼憶昔養汝藏深閨今日窮途棄汝去未得梳裏親
提攜汝往朱門飽喫飯毋須念我耶孃饑女聞母語
牽母衣哭聲嘈雜悲分離我聽前言已歎息更睹此
情心惻惻問婦賣女錢幾何婦云一緡應非多儂今
與錢不索女使爾骨肉長相聚夫婦感泣齊下拜受
錢率女不復賣日暮西風冷砭肌歸來償債典春衣
吁嗟乎世上何人不可憐况茲饑饉遭顛連安得有
錢千萬緡盡贖天下兒女使團圓家家鼓腹遊堯天

夢魘書以自責

至人愚人皆無夢我非至愚常懵懵養氣惟求收放
心凝神自詫無虛恐如何昨日小飲歸神氣乃不爲
心用睡鄉彷彿逢妖魔羣聚暗室相吟哢夢中孤憤
偶未忘突起擒之成鑿空挺身犯難夙所矢一躍眞
同巨魚縱几案巾箱舊位置倉卒都來爲難衆共工
首觸不周傾荆軻誤搥銅柱中手捫初訝血淋漓驚
定始知創巨痛徹宵伏枕成越吟終日杜門聊自訟
漫勞諸君枉過存謬擬少陵醉失輶自是正直慙前
賢豈有鬼物敢播弄但飲醇醪勿多言呼僮且復開
春甕滌去渣滓來清虛誅除游光殪野仲寸田尺室

可治生從此不聞蠻觸鬬

龍且墓

海州龍且鎮
俗呼龍王墳

重瞳用兵能百勝所不足者惟驕客奈何骨鯁老龍
且輕怒輒思禽韓信當時半渡死濰水馬鬣居然首
邱正身經百戰無寸功死猶千載傳名姓乃知壯士
足自存不在封侯佩金印君不見王孫功大爲眞王
鳥盡空歎良弓藏

鍾離昧故里

海州盧
伊山

漢王反聞項王疑始終不改惟鍾離范歸周殷叛龍
且死窮往依信同於期一旦王孫思媚漢罵非長者

庸何裨天方授漢不與楚萬戶千金購亡虜成敗焉
足論英雄生死端須明出處君不見同時季布藏朱
家後此酈生賣諸呂

田橫五百人墓

田橫齊之壯士耳乃有五百人同死橫來大王小者
侯橫去五百人空留漢家三傑成帝業五百毋乃皆
庸流徐市童男早立國何難一葦杭瀛洲嗚呼八千
子弟無一存憤王獨死烏江濱橫之智勇非羽比乃
得後滅同邱墳吾知二客俱烈士倡此五百英雄人
祇今雲臺山下墓行人猶說田將軍

東海孝婦祠

海州新縣

孝姑姑竟死婦已視死輕誣孝以不孝婦死心難明
三年天不雨奇冤始得伸遺徽照簡汗萬古垂芳名
平反雖昭雪難贖死者生當時讞獄者昏酷鍛冤成
刑戮倘未及吾意尤難平常恐覆盆下枉殺非一人
遙望于公村于公里在山下過此心怦怦

重登胸山

浮屠戀三宿我輩惜重遊每於閒居暇輒訪舊林邱
胸山曾再歷茲來綠陰稠櫻桃紅欲破麥穗青全抽
戴笠出東門仗策商所由昔從山西上問名爲馬頭

俗呼馬山有馬頭馬耳馬腰馬尾等名

銜勒旣得馭乃無顛踣憂今當

附驥尾乘尻攬其鞅石徑穿崎嶇蹢躅行不休迴旋

類磨螳喘汗同吳牛值其巉絕處手踵齊偃僂好奇

適得險欲速反遲畱辛苦陟其巔迎面風颭颭茫茫

俯東海鬱鬱瞻郁洲宿城

山

列外障青峯隱丹樓鹽

田白湧雪薇水

薔薇河

青於油臨風發長嘯浮生等浮

漚雲萍偶相逢亦復隨波流乃於螻蛄羣預計春與

秋當時坐臥迹蒼蘚不可搜前遊已夢夢後覽良悠

悠胡爲勞筋骨臨高引羈愁落日動歸興步入前山

幽

重遊石棚山

庚午秋
曾遊此

石棚尋舊遊忽驚念三載未減腳力健翻訝山容改
昔往序初秋今來春已罷草樹自芊緜大石仍磊砢
偃息就石榻盤礴衣暫解遐哉石曼卿風流信瀟灑
丸泥彈錦屏崖厂生奇彩桃杏豈無核作花誰能待
民未免流離官應卹凍餒陳恪勤公唐陶山邈難追
吾宗庶賢宰家海山刺史肇
瀛亦著政聲傳語後來人須爲表東海

重遊青龍澗

城西白虎山山前青龍澗石隙泉脈通涓涓溜如線

雨餘匯衆流漂石激飛箭昔偕老友來

故豐縣丞王元伊臨

溪偶生羨解衣恣拍浮浴沂景狂狷重遊風景殊未免心畱戀舊雨隔層塵吾亦鬢髮變顧茲碧沚寒裳意先倦濯足盍歸哉試聽山禽喚

登孔望山

海濱多怪峯蛟蜃氣薄蝕頑石森破碎奇巒驚閃逼獨有孔望山巋然起正直昔聞吾夫子問官邾子國登此望東溟乘桴興歎息當時道不行萬世尊典則至今山之巔猶存兩馬跡書帶草畱香

山腰生書帶草根極香

衣冠慕薜壁

絕壁刻聖門諸賢像衣冠古偉

荒哉洗頭盆

上有秦始皇洗頭盆

何如硯池墨又有端木洗硯池我來仰景行絕徑喜攀陟一

覽海天空蒼梧遙黛色

鳳凰城俗稱南城跨鳳凰山而立宋賈似道所築今設水師都司駐劄

北城倚天馬南城跨飛鳳鶯遊列前茅胸嶺爲後從

海疆形勝區資此爲犄犄不意賈平章馭邊知操縱

迄今七百載防海藉倚重大海不揚波豈慮潢池弄

異哉荒島夷求市何夢夢時有嘆咭喇夷船駛至上海求市奉檄防禦沿海戒

嚴將軍下戈船挽強皆命中哨海如合圍蹙淺驅入

甕封豕已就屠江華逆搖勦除新盡窮鯨將焉用不殺體天心

得竄宜速殲墟溝好屯兵一夫當萬衆大海東徙舊設卡隘皆遠

惟壺溝營通海
最得形勢之要
宋武覆孫恩李寶遏金閨處置貴得
宜莫爲虛聲恐

由鬱林觀至飛泉

夕陽晚愈佳綠樹圍遙村客居偶得暇乘興還出門
溪涸沙餘潤麥熟鳥爭喧樗櫟綴深樹棗花香滿園
出林值危壁仰視愁懸猿狻猊形訶磖獅子香鑪氣

氤氲上爲香鑪頂破峽湧飛泉久晴猶潺潺上引雲霞液

下爲濯纓泉名源磨崖多刻畫波磔苔蘚斑崖有唐崔逸隸書及

宋明同游意各欣指點恣笑言誰信荒闌境乃有花
石刻

木繁芳草沾夕露日色已黃昏相期大雨餘來此滌

鸞嶺

陪雲汀宮保登雲臺山步和原韻四首

四月二十

六日

到此蓬山真不遠忽驚天際湧樓臺千巒競向雲中

見一夕飛從海上來

世傳此山自蒼梧飛來

喜見南方多草木

吟成大壑響風雷陪遊幸得隨旌旆闔闔披襟亦快

哉

蘿薜攀緣手共捫苔岑得雨發蘭孫飛仙拔宅乘雲

杳

三元得道於此

旭日凌風破霧昏絕頂上開雙玉闕

青峯金牛

二頂爲此山最高處

斷崖中開一天門

南天門踞半山之險爲入山戶

長庚

自有驚人句呼吸應通帝座尊

桑麻播植始何年俯視塵寰意灑然釣月漁歸沿海
市鋤雲僧種傍溪田蛟宮氣接三山路島國風迴萬
里船此日巡邊兼問俗荒陬雨露待恩宣

五更義馭初離海半夜風潮聽有聲已爲名山添勝

槩

宮保題所憩僧院曰望海寮

還因老樹寄雄情

山澗睡松相傳三代時物宮保

題蟠龍丈人四字揭石其上

收時決策籌鹽筴何日揚帆採石英

聞道峒溪猶未靖

時江華逆裔尙稽存誠

旅人宵夢感南征

蟠龍丈人歌和宮保

造化之奇無不有偏於樹木鍾靈壽郁州山峙東海

濱中有龍松狀奇醜仙根入地蟄九泉鐵榦擎雲駭
飛走下窺絕壑俯哈呀上倚崩巖笑培塿拔地五尺
分雙桎橫空夭矯行衙衙南向一枝得天厚之而鱗
爪紛騰挈面面殊形畫不到坐令韋畢長咨嗟其北
出者尤奇絕著地忽起旋盤折奮鬣回頭顧本根蜿
蜒頓覺全身活松兮龍兮渾莫分深山萬古蟠冰雪
尙書行邊到雲臺輕輿擁導躋崔嵬澗濱忽值蒼髯
叟一見驚歎非凡材下拜擬同米顛石佳名遂並焦
山梅焦山有梅
龍生孫自有詩篇凌鮑謝還抽毫簡授鄒枚
謂鄒公
眉觀察山精走匿山靈舞光芒照耀瓊臺隈世閒萬

物各殊遇何止遭逢有早暮豈無千尺棟樑材寂寞
荒岡飽霜露不逢匠石徒輪囷拉雜摧燒誰愛護茲
松晚得丈人稱朝槿焉能知其故秦皇當日登岱宗
五株齊受大夫封迴鞭東指海神懾長鯨飲羽滄波
紅丈人此時追四皓避地東溟潛靈蹤羸顛劉蹶幾
千載至今烟靄埋青峯未肯干霄露鱗鬣何意今日
當吟詠一詩一碣表幽隱卻羨山中十八公嗚呼人
生但得一知己臥龍端爲英雄使勿學昌黎木居士
輕示禍福招謗訾倘逢大旱望甘霖或應強爲蒼生
起

再和雲臺山韻

蒼梧自昔從南徙海上於今有釣臺

孫家山有漢浴蕭望之釣臺

日渾疑三島近冠山誰見六鼇來泉分石洞能爲雨

水簾洞泉
禱雨輒應

蟄起松龍不待雷到處均關民瘼計登高

望遠思深哉

鳥道通天天可捫梅花有子竹生孫清和爽氣陶嘉

月翠藹芳林歛合昏處士廬荒尋勝迹

棲雲山梁明僧紹隱處

于公里近式高門淩虛賦就誰能和早信文章北斗

尊

麥隴黃雲慶有年偶來空谷喜翬然紅櫻徧嶺生瓊

樹白石盈塍種玉田
恰幸名山開幕府
何須橫海出

樓船時聞視東海水師
從今召伯巡行處
詠入甘棠雅化宣

巖壑連雲開霽色
香花滿路動歡聲
千年府海紆籌

策一宿桑門養性情
天上石麟徵嶽降
宮保禱于雲臺之丹署中

喜誕山中瑤草產芝菜
原作上仙貽玉英句實兆育麟之祥
瀛洲祇在

烟波際底用驂虬
更上征

又和海州卽事原韻

幕府旌旗耀四墉
喧騰士馬閱邊雄
荒陬望澤如時

雨
葭屋連村見古風
傳語健兒休佩犢
可知詞客尙

雕蟲昇平報國惟耕釣
喜看郊原黍麥豐

贈許石華大令

喬林

明珠生大海不假雕飾功白珩韞荆璞光采出磨礪
其質雖各異爲寶則相同吾愛石華子僻處東海東
潛修悟至性吐氣飛長虹鬱郁高復高滄溟浩難窮
盡擷胸海秀一一羅胸中奇正有節制列此文陣雄
長城致勦敵偏師不敢攻保疆願自守戒嚴警邊烽
何當爲好會玉帛相雍容

讀書期用世豈獨爲科名入官需治譜所見已經經
安能盡行志要在得人情枉道以取容不如早歸耕
君出宰平陰甚有惠政一年遽引疾歸君昔宰平陰期年報政成下民

歌豈弟上官稱樸誠君獨浩然歎詎可寒鷗盟歸來
栖隘巷寵辱無所驚惟聞老屋中時出金石聲嗟予
走俗狀無處濯塵纓汙池鶴不翔凡鳥喋啖爭卽茲
判霄壤焉用月旦評微吟託藻翰聊寫素心傾

在昔陶山翁憐才出性真披榛搜蘭茝鍊礦成金銀

君家好兄弟一見致殷勤到宗推漑洽陸氏誇機雲

曩余備椽屬稱許訶頻頻竊疑仲子賢未逮公所云

君與令弟月南孝廉同受知於陶山方伯昨讀胸海集乃復過前聞月南著書

極富旁通筆能搖山岳文能泣鬼神經義闡奧秘術

數窮天人天才旣橫絕品學尤精純惜哉中道折素

志竟未伸遂令東海上失此飛將軍遺編今始覽

所刻胸海詩存及陶山詩錄見示回首重沾巾

去者不可留來者不可招歲月迭更換既暮復爲朝

微生適多幸所遇皆賢豪靜居懷夙昔咏抱慙虛勞

唐陶山周右芳方伯周少農繼周謝海內益寥寥筆硯擬棄焚節

屐將遠遯何意昌黎老乃更推寒郊謂雲汀宮保有如伏

櫪駿駛驥不能驕忽逢冀野顧千里思騰驍君獨爲

天馬行空絕華鑣羈勒那肯就渥洼空迢迢他時太

行坂汗血看蒲梢

板浦七夕重用庚午海州七夕韻

新月如鈎挂几筵雙星消息此時傳橋成莫笑爲尼
苦精衛曾將大海填

光陰荏苒去如梭卻訝時人巧太多二十三年甘守
拙還來胸浦望銀河

由臨浦渡海夜棹秦山醉歌

洪荒之世幽邈莫能名大壑歸墟乃得神禹錘決墾
鑿而後水土平潏潏漣漣浸八裔其爲廣大也吾不
知幾千萬由旬但見迴地軸激天輪沐日浴月嘯噴
百川無滿盈我聞蒼蒼者天空無質乃是氤氲積氣
之所成日月五星自然浮生空中行地爲圓越小於

日如豆在脰如丸走槽大氣包舉虛懸天中心萬國
人民飛走動植週遭附地以自生海水合於地隨地
旋轉相迴滌重有重心地心爲重之最重水性就下
地心吸之如磁石引鍼故能依附環繞不致旁溢而
倒傾寰中昏旦勢難一陽鳥見處天斯晨此間夜半
彼正午各從日景早暮以定子丑寅卯十二辰日在
地下光芒反射地球隔之背生虛闇成黃昏暗影遠
逾狹以至於無爲尖形月與諸曜借日光明惟月近
地有時食餘曜高遠暗虛不及恒露其星星其爲狀
也若此異哉坤輿廣厚孤寄宇內何伶仃僅如彈丸

地八千石玻璃瓶四面懸列十國復萬國中國在地
已若黑子之著於人身吾身爲不滿七尺芥舟遊戲
奚啻恆河一沙天沼一浮萍我欲傍遊八極上遨太
清直至天外天盡處搜剔爬梳是否蔥頭琉璃層層
之相因天形如卵壳壳外終應有止境得毋渾蓋宜
夜泰西之說但窮而難憑一一探討書諸紳乃游天
之內地之外粒遙天地相去幾千萬里零日何以昭
昭月何以冥冥五星衆曜何以大小高下各垂光燄
熒蒼穹之色何以萬古不改常青青然後巡地一週
大章所未步豎亥所未經莫不身親目擊求其真歸

語後世談天者流咸解大惑一歸於精純噫嘻乎天
門蕩蕩不得階而升身無羽翼不可以飛騰壽非松
喬不能與造化爭人生萬事貴自適况值今朝風日
晴朝發郁州夕濟蓬瀛明月皎皎東方昇帆櫓容與
波浪不興舟人漁子南徂北征一山孤立何峻岫當
年秦帝於此朝謁馮錦帆卸桂橈停歸風自反寄棹
扶桑津水光蕩漾無邊垠於是舉觴對月扣舷而歌
若出金石聲歌曰山蒼蒼兮水泚泚天漠漠兮風泠
泠泛月楂兮遊滄溟天吳眇眇而遠望兮海童浴夷
而潛聽喜文鯨之變鰐兮駭橫海之奔鯨狎鷗鳥之

忘機兮赫垂天之雲
鵬與其雷
咆電激屑沒於蛟龍
之窟兮
吾將臨深以就就
或飛行壺嶠兮
或趵趵於風塵
或偃仰烟霞兮
或魚蝦以爲鄰
亦隨遇而自安
兮
泊乎若鳬鷖之與鵝鵝
噴然徑醉於鵝首兮
天風吹之以徐醒
度越千秋萬載兮
固將樂此而忘情

青口九日

西風幾日放新晴
採菊籬邊百感生
隨地登高遊子興
多時行役故園情
霜飛菱岸河流湧
時聞桃南河決之信
雪湧鹽田海氣清
正好忘機鷗鷺狎
那堪澤雁又哀鳴

聞河決于家灣

我心忽不樂所思淮河區防察偶不慎禍機發須臾

桃源姦民陳端等盜決

蟻垤猶知保貽害阻歸墟堵築何容緩

稍芟愁轉輸高堰障淮揚微此人其魚濁浪瀉大澤
清流出引渠若墊作平陸東南將爲瀦昔聞有智叟
減漚洩洪湖安瀾歲入告湖患隱難除二豎在膏盲
越人望且逋家有五斗酒藏之一石壺日日供斟酌
曾無滿溢虞奈何自填塞大半盛泥淤傾酒入壺內
三斗已無餘不知壺中狹乃怨酒多沾沾酒無時盡
挈壺起歎吁

海濱

海濱斥鹵少人耕幾度耘耔稼穡成何事空田饑鼠
雀卻因餘粒苦相爭

吾憫三章

吾憫溷中蛆鑽營何時已出沒萬千回終在一廁裏
蠕然偶他適意或厭汙鄙移置清池濱怏怏饑欲死
始信穢濁姿清白非所喜

吾憫負版蟲遇物強掇拾貪饕屬性成天生一背澀
草芥積纍纍負重壓如蟄剔除哀其愚甫行取又急
始信乾沒多性命非所惜

吾憫階前蝸乘雨戴屋遊蹙縮雙角細緣牆行不休

中道雨忽霽粘壁成枯囚向上意雖美凌高亦可慕
殘涎盍自保學篆聊稱牛

遊秦山

俗名奶山

翔陽逸析木雲錦翻晴濶挂席出青口艤棹登秦山

蒼岳漬涵氣白玉堆荒灣

山前碁子灣產白石圓潤如玉

兩峯仰並

峙一徑容孤攀終古罕人居來往蓬壺仙

山中乏水四無居人

樓閣疑幻境

上有望海臺

蛟蜃蟠重淵異哉秦皇帝刻石

扶桑邊

山東二石如人下有秦始皇石刻按水經注碑高一丈厚一尺二寸鐫七字大如斗又按

地道記云海中去岸百九十步有秦始皇碑高一丈八尺廣五丈厚八尺三寸一行十三字潮水至加其

上三丈潮去則三尺見

珠臺既泯沫

海神獻始皇大珠於此有受珠臺

神路空

蜿蜒

山南有神路長二十里皆石子砌成直達南岸志載始皇所築今出水者三四里濶四五丈土

人以此山爲龍北有龍頭琳宮久傾積
石龍爪沙此爲龍尾良肖
山有廟祀女

奶雞鳴叢竹閒
滿山細篠雞聲祝祝出竹間
皆燒香人所放豚菹日葦
山茶飽

含萼花木餘秋妍
上多山茶冬夏常青志云
焉知長

生草不產巉巖巔如何不死石蠕動趨醯酸
山中產

形如半豆色白微紅各有雌雄俗名
徘徊戀幽巖縱

目天宇寬東決盡日本北驚連三韓潮平晚風急引

我扁舟還滄波重回望縹緲生雲烟

登鸞遊山

山在青口東六十里大海中遙峙洪波與

宿城諸峯相對中寬十餘里狀若天闕俗
稱鶯游門壬辰閏九月四日巡哨海面登
秦山以瞭外洋遂乘潮抵山下會日暮不
及登明日始得週覽其勝兩峯聯起上矗
霄漢西曰西連島漁戶數百家環山高下
重疊而居西南支嶺突出海中者曰晉架
嘴踰嘴二里幽塢中有蘭若曰鎮海寺岡
巒迴複林樾森環寺前爲廟前灣乃海船
聚泊待潮避風之所寺後山高三四里東
一峯尤巉峻總名鶯遊山又東爲東連島

共長二十餘里其南岸自竹島鴨島西暨
墟溝沃壤黃窩東陬西陬諸山繚互八九
十里奇岫疊出爲雲臺外障與鶯游對峙
中開一門誠天生阨要海隅巖疆也外接
重洋茫無涯涘山中魚蝦極多水薪尤便
云

暫弭秦山棹遙望鶯游門潮落山逾峻雙闕排天闔
帆歡勁風滿破浪如追奔下旋海月黑濤聲終夜喧
掀簸不成寐推蓬已朝暾躡屐踏朝霜到岸意轉欣
漁莊環西島層疊自爲村連峯鎮溟濤濯滌絕埃氛

沃壤近可接暘谷邈無津空餘釣臺高千載思垂綸

孫家山下石島日釣魚楓格隱蘭若落葉埋秋根

臺對渡十里即晉架嘴多格樹狀類槐榆弼魚自清靜何事勞風塵設險古所重形

勢非空論扶桑挂長弓豈復憂鯨鯢裁海事已往

順治

十七年裁海劃復山回陽春康熙十六年耕釣遊世

雲臺山置界外外吾思山中人

乾鵲

乾鵲營巢老樹枝辛勤常使鷓鴣疑誰知啄菹成雛

去鵲鵲跼跼更哺兒

海上偶成

一片孤帆海上吹此身惟與白鷗隨滿灘冰雪天方
凍未是漁人下網時

海州查賑六首

出郭西南去人家入渺茫三冬冰正合一麥地全荒

海州西南鄉土地澆瘠名一麥地

所見皆枯槁無勞問蓋藏饑驅逃

徙半遙指是何莊

野哭聲聲切西風雨雪寒割恩兒女棄無食死生難

并李虛三咽鹽蒿備一餐

民食鹽蒿面目多腫

可憐貧到骨鵝

結敝衣單

展轉墳溝壑拋殘最可悲瘦骸肥草木飢肉飽狐狸

豈有攜藥掩曾無荷鋪隨一抔封不易裸葬復何知
破屋無生氣呼名有病呻哀號驚似鬼求活暫時人
杯水愁難徧陽和布欲均屏營東海上飽食愧吾身
彌望成冰海人家住鏡中輪輿皆已廢舟楫更難通
履薄心恆慄臨深路未窮可堪天地閉和煦仗東風
辨色怱怱出黃昏尙未歸饑寒僮僕怨疲乏吏胥譏
但取於心慙焉知與世違流民圖已就無路扣
天扉

青口除夕

除日常爲客頻年滯水涯

余自道光五年割辦海運
六年挑吳松皆於上海度

歲八年解餉入都丹次丹陽九十兩年俱獲沒秦惟
除夕猶羈白下今年又在青口其閒惟七年除夕返
東山小住五日十一年團聚只知筋力健不覺鬢毛
賓蘇局正月下旬始出耳
華立法期垂遠時辦理青口票微勞漫自嗟卻憐吳
苑夜念我未還家

五十明朝是更闌酒更添壯心澆塊磊浮迹混魚鹽
事異藏蕉鹿官同上竹鮎磴磴猶自笑何況俗人嫌

養默山房詩藁卷二十四

松滋 謝元淮 默卿

胸海集

癸巳

金陵寓館梅花

經年海上無花看
每對芳林憶舊枝
忽漫巡簷成一
笑此來剛遇半開時

三浚秦淮

艱難勤小役
三度到秦淮
風雨時時變
胼胝處處皆
青溪連地脈

併挑青溪支河上
過白門橋至乾河
沿關生地數百丈
遊船可望隨園

瀆貫天街

運瀆自四象橋西出，敝恩橋又自三
汊河出，陡門橋匯秦淮河出，西水關

功何有聊欣始願偕

登冶城

豈有烟霞興飄然上冶城西來雙水繞中立一峯橫

樹樹花初發山山雨乍晴橋陵弓劍在

朝天宮玉皇殿下相傳明

太祖葬此回首暮烟生

哭崇開弟

壬辰九月病卒
癸巳三月始知

雙鳳將七雛雛雛相和鳴七雛各得所鳳老歸丹京

爛漫散四野集苑分枯榮每懷共哺日意緒紛回縈

昔年女嬃喪同氣一枝傾

大姊甲申七月去世

迢迢阻江水淚

灑孤鴻征去夏盛災疫仲姊悲嬌榮

鄒沛霖姊夫亦於去夏病故

創痛失羣孽聞弦下虛聲偶遇鄉人至欲問心忤忤
吾弟今又殞慘怛涕縱橫伊昔少小時頭角頗崢嶸
大來忽跡弛飲博常忿爭中年幸悔悟多病日幾盲
有子何頑愚有婦安布荆先汝溘朝露

弟婦先一年亡誰復

任汲烹奄忽一世過電火須臾驚前春得汝書欹斜
字不成上言離別久裘葛十餘更下言生計拙田少
無人耕謂余當遷轉相訪闔閭城我時心竊喜爲汝
置兩鐙待汝扁舟來暢飲飛百觥嗚呼願竟虛愁對
雙酒罍嗟我同根草七葉凋兩莖寡姊貧復病辛苦

依諸甥弱妹家蕩盡棲託傍簷楹

徐氏妹田宅盡沒於水

少弟

慵耕讀飽食費經營艱難稱老健惟余與長兄余年
正五十奔走習逢迎阿兄五十五卻掃甘藜羹多年
不想見聞有白髮生生命守磨蝎恆與憂患并所誤
戀升斗致此骨肉輕一日不再中一月無兩盈何時
理歸棹重結鷗鷺盟短歌正激楚淚下沾孤檠

和陳文雲伯明府

文述

見贈次韻

海內傾風雅如君曠世才聲華騰越水詠賞徧蘇臺
衫筆分三管瓊漿飲一杯江河流不廢奇境自天開

全家皆有集不數建安曹頤道功何遼

先生詩文集

澄懷氣更豪

哲嗣小雲司馬有澄懷堂詩集

愛才真若命說士未嫌

勞七子詩壇在

先生品題吳中名士有前七子後七子廣七子

層樓百尺高

三

憶訪滄浪水春流繞屋深閉門涵道氣空谷賞知音

子晉雲中鶴成連海上琴神仙原可到終是愛清吟

四

韋子蘇州裔

謂君

清才擬謫仙廿年懷舊雨千首誦

新篇每道陳驚座真同白樂天近來親几席端不讓

前賢

里人來青口述家鄉連年水災之慘愴然有

作

人情徇目前未見非所急辭家十五載旱澇不遑卹
前年全楚災江湖同時溢湖南水漫城漢口波浮月
潛汚歎浩淼斷黃流滑笏遺黎漏鯨牙千村莽蕭瑟
大府民瘼憂水利預施設相度週沮洳借箸資才傑
短堰復長隄修築竭人力謂此一勞後安居獲永逸
亡何夏秋交淫雨更蓊鬱岷江橫天來萬里濤頭疾
出峽注荆門郢都虞潰決乾隆歲戊申茲郡曾漂沒
城中十萬戶一夜葬魚鼈前月漲沙津埤坵偶未失

今茲復異漲南北難兩遏壑鄰邁禹功浣市竟偷掘

公安最當衝江陵半猶活松

滋

枝江

暨澧

州

湘鄉

潭上

連洞庭闊黿鼉入市遊浮屍蔽江出牛馬亦淹死樹
木盡偃折稷稻實垂垂沈波苔藻滑鄉里富家翁詩
書重門閤丈夫朝溺水婦女暮行乞四顧渺茫茫何
處問家室吾廬小山畔面湖望眼豁倒漾浸前岡遙
村冒木末親串走相就斗室窄容膝呻吟勸餘生誰
能厭喧聒田廬塌入泥塋墓刷露骨陰霾天慘昏白
晝鬼嗚咽遂令荆湖閒駢死不流血余時客眞州鹽
筴事瑣屑方愁廣陵人未憂家蕩汨癸巳六月初胸

海正炎熱里人觸暑來媿媿向儂說含涕睠荆襄欲
言氣先塞天災豈敢怨嗟此人禍烈誰爲語時賢大
議勿輕發

三禽

往昔游秦山獲鷹古佛堂

去歲閏九月四日

僮僕笑相賀道

此大吉祥臂歸飽飼肉脫鞵忽遠颺豎子驅二鸛毳
毳翼不張健翮拔飾箭喚惜如有喪蓄之堦墀前爭
食雞鶩傍其一蹭蹬死其一甘稻梁徂春復入夏短
翅漸漸長秋風奮雙翮冲舉遽高翔呢喃兩紫燕銜
泥上雕梁菴啄生四子成翼各一方嗟此三禽異去

我何恩忙蒼鷹眼未化掣絲庸何傷鷓鴣已如客辭
社亦其常孤鶴獨可念馴擾機心忘海濱雖多食虞
羅亦暗藏飲啄倘不愼再悞罹禍殃願爾隨仙鶴飛
入白雲鄉願爾同春燕來歲還相將慎勿學飢鷹擇
肉凌秋霜

苦雨

到處逢淫潦真成好雨星出愁泥活活晴亦霧冥冥
草漲階前綠山浮海上青鳴鳩偏得意喚我醉中聽

齏言二十二首

夏書貢鹽稀管子正禹築王海致富強權輿朔霸術

漢置大農丞牢盆祖鹽鐵後世供邊儲度支此由出
利權操自上豪右息漁奪均輸權漸增禁令網稍密
輕重得其宜遠近算無失千古會計才劉晏實英傑
在宋端拱年輸粟聽轉達是爲召商始私販因竊發
有元行引鈔蠲逋傳脫脫元史脫脫傳罷見設鹽食
綱運聽從客商赴運司買
引就場支鹽許於明初立開中通鑑綱目洪武三年
行鹽地方發賣立開中鹽法明史食
貨志召商輸糧而商屯餉戍卒通鑑綱目明初於各
與之鹽謂之開中邊開中募民墾種築
臺堡自相保缺馬中馬鹽明史食貨志正統三年甯
聚邊儲以充夏總兵官史昭以邊軍缺
馬請召商納馬上馬一匹騏驎聚萬匹厥後流弊深
與鹽一百引次馬八十引

民困稅亦絀富哉天地藏豈能盡搜括

二

聖清隆百王邳治兼三五薰絃阜吾民薄征恤商賈
法制有因革課程皆可數嵯綱首兩淮藏富爲外府
當其初盛時豈曰無小補提行或偶聞兩淮鹽引遇
本綱暢銷預
提下綱引日接濟名曰提行乾隆戊子綱會經奏請提行己丑綱有案報効亦間覩統
綺耀興僥驕奢誇豪舉游塵白日昏至今邳江許

三

淮嵯地最廣豫皖連楚西舳艫泊漢口白雪和沙泥
水商雜運至湖廣鹽斤運至漢口鎮
賣與水商分運各口岸轉運踰山溪楚
人苦食貴嵯賈猶居奇漢口鹽價於定價外每以平
色爲增數每百金加一點則

獲利甚厚鹽貴今日扳包價偶遇價平則總商稟請委員前赴漢口畫一增
昂名日明日整輪規鹽運漢口挨輪售賣日輪規弊在居奇增價積壓後鹽不拘輪
賣日散輪主於跌價速售不利巨賈則總估高鹽復商稟請委員禁止小商私賣名日整輪
惡私販始乘之浮冒不自反乃欲嚴緝私外私縱可
緝何能填漏卮

四

朝廷定令甲一皆本人情鹽律法獨重霸術難持平
粟菽與布帛百物咸通行惟鹽限疆界祇許商經營
他人不敢賣賣者得惡名嗟彼私梟子豈非蚩蚩氓
貪利瞞賦稅觸法應戕生咄爾大腹兒公私宜分明

奈何恣夾帶百弊求奇贏

儀所改捆子包楚岸例

六斤攤入三百六十四斤內每包各六兩又有買祖
六兩帶拐二兩西陵祖另添二兩已重九斤餘是爲
包內之私此外尚有禮鹽帽子鹽多捆子包等弊從
前滴耗之加惟五六兩月准行後因姦商弊混詭稱
三時之鹽多係捆在夏月朦混多帶而院司駁詰需
費亦重自道光十年酌定保制府奏准常年帶耗每
年省費十餘萬窮鱗挂密網漏此吞舟鯨食甚音不
商人亦不感激

改午日將誰羹

五

夾帶利雖厚猶難滿欲壑巨蠹侵庫藏厥謀乃更惡

巧借務本堂附庫司鎖鑰

務本堂爲淮南辦公之所一切出入費用皆聚于此

有堂商司其事後忽附堂於庫改堂
商爲庫商而官帑遂隱歸商握矣

遂使度支金壘

彙歸私橐預納給印本抵對已駭愕

庫貯無項給商用空印手本不

載引數花名聽於諸運時酌量銀數抵用初名趕納
嗣易名爲預納後更創爲減納謂但納正項其餘各
款一概從減又以錢糧額數不便言減更變名爲緩
納謂閒款可以從緩也手本盛行弊竇百出後又有
所謂溢納庫貯久虧焉得有溢因預納減納紛紜之
際課款未定其數虛積遂謂之溢貼色貼息貼平恣
其剋扣所給印本概准抵對錢懸墊資辦公虛名竟
糧迨本綱不運又抵對下綱
無著總商侵庫輒以借領辦公爲名詰所辦何公則云商捐商用向不報銷也運庫空如
洗清查皆僞託所開應酬公務辛工中立豈無人春
蠶反自縛

六

兩淮引稅額歲三百萬強

淮寧化共行綱食鹽一百六十八萬五千四百九十

二引計正課銀二百七十九萬七千二百七十二兩三錢一分八釐三豪五絲七忽一微一纖八沙又加雜項雜費百餘萬虧帑七千萬毋乃太不良核計二十令三百餘萬兩

載一錢未輸將道光十年清查兩淮庫款計虧七千餘萬兩以每年三百萬計之是國

家二十餘年未收兩淮一錢而說者猶藉口報効豈不可笑公家置不問裘馬仍揚揚嗟此公家賦絲毫皆有常小民偶逋欠鞭扑賣兒償官吏或挪借効治依典章獨蒙寬大恩此輩焉足當所以林下客去官多爲商

七

淮北阻大河鎮與淮南異磚池汲鹹潮鹽鹽出之鹽

運道苦艱難引地復破碎

淮北鹽河全資運河雙金

養默山房詩集

卷二十一

入

關至永豐壩昇入包垣車運至周家莊渡黃而南又
車運至老壩上套河船駁至三壩易短槓入套河船
十五里入淮所擺馬掣驗再入所前垣加油包以淮
南用過舊包加捆於外名曰油包也北鹽舊以兩引
併一引後因節省工費改爲三引併一引所掣額重
一千九十二斤昇至泥河口上小駁船至烏沙河蓋
已三易船矣另裝南河大船運至清江浦由三壩三
壩過洪澤湖進臨清口分赴皖豫各口岸銷售其桃
宿邳睢食鹽由永豐壩掣驗不赴淮所其上河口岸
由武家墩過壩入南河大船過湖不由清江浦其廬
屬及滁來等州縣從揚州出瓜州入江謂之
江運不過洪湖各從地道之便以省運費 插水啟
漕河捆運趁秋季 淮北一綱之鹽須俟秋月啟
隔湖波輾轉勞剝致 由揚達所經 浮費日以增商力
日以憊竈產商不收丁饑私愈熾課食兩虛懸日夜

望調劑

八

調劑非辦運瓜分還濟私

借款調劑先與南商關說按成瓜分代納原

謬語

淮南北綱食雜款課則名係淮南代納實皆懸欠不繳

借馬歸無時

北商辦運向借

底馬錢糧

一架七百包

北鹽以三百五十大大包為一

還者絕少

輕重何能知

北鹽三引併一

則成兩架故缺一云

待此濟淡食豈復吹其疵

北商銷乏惟一

帶最多

招徠竟莫應僉運羣推辭有若病膏肓和緩

藥難施又如值陷穿趨避惟恐遲坐困無一策異議

紛多歧

九

漏稀夜將曙冬盡春始回事到窮絕處奇境豁然開

天欲濟艱阨先育濟時才矯矯安化公

陶雲汀宮實保制府

能衆善該昔年轉海漕雲帆越蓬萊水利浚淤運

道通江淮至今吳赤子謳詠游春臺盤根別利器峻

坂騁龍媒叢脞衆束手經畫獨恢恢總制崇節鉞

宮保

於道光十年九月

簡授兩江總督調鼎資鹽梅禹筴歸兼筦

十一年春裁鹽

政以六省鹺務隸總督自宮保始也

天衣妙剪裁黃鵠翔寥泝千里一

徘徊燕雀無遠識羣聚翻驚猜

十

道光十載冬

使星向揚州

庚寅仲冬命戶部尚書王鼎侍郎寶興來江會同

朝廷以兩淮疲敝

特

總督查辦

芟夷翦荆棘澄清截衆流綱紀再整飭既往赦

不糾

叶居由切

是時在

朝野切切抒忠謀或言歸場竈就場稅可抽或言攤地丁河東法可求或言仍舊制桑榆效可收其言皆

甚辯時勢宜熟籌定議輕成本岸費刪虛浮又議減

賣價散輪無滯留根窩罷不用

淮南綱食向有根窩無窩不能行鹽故凡

立稅辦運先買根窩如田之有契行之有帖有窩之可引引納硃紙銀報解戶部爲刷印引目紙張硃紅之費收支房查對花名引數撲撥手本填寫硃單無窩者買單辦運統計一綱花名引數造冊謂之滾總每引窩價自入九錢至一兩五六錢不等新定章程減爲一錢二分

水腳給從優

江

水脚湖廣每引一兩一錢江西一兩六錢零中路食鹽四錢至二錢不等船戶具領自商家帳房門价至儀徵下河客及埠頭帶攬等人皆有使費竟有不敷花用者船戶全在夾帶私鹽獲利今皆照例實給

憑社磔黠鼠撼樹驅虬蜉百年醫海弊沈痾庶有瘳

十一

商爲四民一逐末後農工澆風習市井狡猾相豪雄
罔取地利盡盤剝水衡空不知竟何術賢俊甘欺蒙
孟卞忽懦怯婁曠失明聰及在旁觀者譁然歎曠龔
出汗泥不染吾見雙芙蓉

謂雲汀宮保
俞陶泉都轉

十二

寬猛濟威惠治術寓經常琴瑟音不調微絃須改張

淮北抗敝久凍餒驅跳梁節費毀二壩

北商以五剝十損為苦宮

保乃宅毀套河三壩又掘武家墩十字河壩以省剝

損而商捆仍屬寥寥當毀壩之先羣言淮所鈎損夫

聚謀將滋事宮保不為動檄請運仍觀望疲忝知難

縣往掘之卒無一人敢譁者

振決策當從長

淮南於清釐後稍有轉機惟淮北終無所濟於是決計改行票鹽

在

昔魏甄琛其言簡且明

叶謨耶反

溥茲山澤利惠我天地

民

叶謨陽反

前明於兩浙僻遠設山商

明史食貨志嘉靖中令山商每百斤

納稅銀入分給之票使行於僻邑官商不到之處

國朝兼票引行之亦有疆

兩浙山東均有票引兼行之法

事何必師

古要在得其平

叶皮陽反

江湖分暢滯斟酌畱食綱

淮北綱鹽

共行安徽河南四十一州縣今除江運入州縣暨湖運暢岸十一州縣滯岸天長一縣仍令商辦外其安

徽之鳳陽懷遠鳳臺靈璧阜陽潁上亳州太和蒙城
英山泗州盱眙五河河南之汝陽正陽上蔡新蔡西
平遂平確山息縣又食鹽口岸江蘇之山陽清河桃
源邳州睢寧宿遷贛榆沭陽又例不銷引之海州安
東共滯岸三十一州縣
一律變通改行票鹽 飛章奏

天子措置何精詳

道光十二年五月初四日具奏由
運司刷印三聯票一為票根申送

運司一為存查畱存分司一為照票以給民販填註
姓名籍貫運鹽引數往銷州縣聽販取請票運鹽售賣
每引淨鹽四百斤每包一百斤每引四包鹽價六錢
四分稅銀七錢二分經費五錢二分計一兩入錢八
分其後推廣暢岸錢糧復額每引一兩五分一釐經
費減為四錢鹽價減為六錢通共二兩五分一釐捆
工包索民 三場列五局 於板浦場之西臨鹽太平捻
販自備 中 正場之花朶垣臨興場之
臨浦垣富安鹽共設五局委員駐紮 三卡布三方 又
稽查捆掣富安局後併於臨浦局 於
海州之大伊山房山吳家集設立三卡委員駐卡抽
查以杜透漏民販運鹽出場必須過卡查驗包數斤

重相符蓋徵放行其餘關隘毋庸再
查以免擾累房山卡後移薔薇河
水陸互稽考民
販連舟航課稅大盈溢
自七月開局至歲底
共行二十五萬餘引
丁竈歌
豐穰頓令斥鹵斥化爲康衢康

十三

峩峩雲臺山實惟古鬱州鹽田繞其下昔在海中流
飛徙自南岳神仙居上頭草木多瑰異蒼松蟠翠虬
靈境依賢哲懷古心悠悠壬辰夏四月胸海鳴八騶
宮保於四月廿四日到
海州卽下教場閱兵
拊循問疾苦訓練揚貔貅躬
歷池井畔竈隱勤咨諏相度得成算縱覽陟丹邱
廿五日登雲臺山徧覽名勝宿於山中
廿六日升香三元神祠賦詩四章
博桑騰赤日海水

兼天浮既登金牛頂遙望孔雀溝清風自東來麥隴
青油油民氣喜安帖雅詠入賡酬此行關大計宮保躬歷
海州周覽鹽竈票鹽之議始定非徒紀勝遊

十四

世俗習故常因循喜安宴忽間有更張曉曉相搆煽
蜚語遠播傳或虞激事變阻撓既多端恫喝亦數見

堅定賴良臣

宮保前奉有幹國良臣之褒

優旨

勇決資邦彥

鄒小眉觀

案錫淳奏

勸勳多俊才

委員龔監生州判照琪身先倡導劉玉川貳尹琅孫琪園

參軍玉樹劉幼竹齋尹曙張敬堂齋尹梓林馮新齋
參軍鼎祥桂茂齋齋尹松分理局務陳月階知事慶
恆姚秋掄參軍德恆蔡栗庵知事俊分管三卡王湛
餘大令澄孫蘭溪少府豐分任巡緝劉筠崖少府晉

幫辦青口場官莫曉初嫌王蘭如汝錕海州刺史佾松文家榕王禮之用賓分司候素屋鑄童石塘濂先後經理賢勞均著指揮各盡善創行事竟成商民胥稱便爨爲謠詠者罔利還壟斷嗟此悠悠徒何足知利鈍獨訝當世賢初亦持異論

十五

慮始古爲難守成今非易惟茲票鹽法行之有十利其一

國課盈輻輳額增倍其二民食充老弱知肉味其三

莠化良百斤許販賣

新章買鹽以十引爲一票惟食鹽一引起票海州贛榆百斤起

票以便

免於鬪與刑保全歲萬計

大小私梟皆爲票販既免官刑亦絕

私關鹽丁鹽有售得錢時買醉兒女衣食豐此爲利之

四其五傭趲多遊民力自食淮海竟冥然窮黎藉賙

濟其六貨流通貴賤不壅滯

推廣新章如票填州縣鹽壅銷滯准其就所在

地方呈明轉運他岸融賣但不得越出票鹽四十二州縣之界外其七布大公眾利

無內外其八免督銷無復憂吏議

票鹽既行各州縣督銷處分咸與豁

免其九苞苴稀官商少挾制從來治亂閒草澤盜名

字剽奪起鹽徒黃張略可記票法今通行永絕私梟

害是謂利十全其利在萬世

十六

東風雨初收溼烟散林杪路逢兩三人語音殊了了

自言皆竈丁其一爲野老今春陰雨多池鹽未得掃
前日場商來送錢催鹽早但有三日晴交垣豈能少
往歲無人收池坍茆屋倒十家九逃亡凍餓形枯槁
自從票鹽行竈戶人人飽誓不再賣私官收無煩擾
回頭呼老翁幸遇總督好立法美且詳造福真不小
昨聞嶽降神雙麟綳繡祿宮保禱於雲臺之後必大
于公門福善原天道翁家住東村相近高公島大兒
弄漁船小兒販蒲草去秋洪水災一片波浩淼黍豆
盡漂沈長夜天難曉賴此票鹽功裝載場河繞票鹽二十
餘萬引計舟運蒲包價更昂蒲包向值十餘賣蒲買
水腳十餘萬緡錢者驟增數倍

香稻斗米千餘錢十口竟相保

海州歲歉斗米價千八九百文他物稱是

而境內安帖者實賴票鹽之利

票商若雲屯去來如飛鳥銀錢亦無

數傭僱到跛眇吾州百萬民藉活免流殍其餘話甚

繁感激齊頌禱日夕人影斜相將入翠篠

十七

滯岸三十一一皆暢行暢岸轉成滯商運何零星

影射潛侵灌

滯去暢商猶不運惟藉運票鹽暗行侵灌

推廣息其爭

滯暢

州縣壤地相錯票販經行暢境官商輒執之以爲越界訟案纍纍官保燭其姦詐乃於本年二月初十日

具奏將暢岸十一州縣一律推廣行票商民歡慶爭端始息

四十二州縣本皆商

所營

前行滯岸三十一州縣今推廣安徽之定遠壽州霍邱六安霍山河南之信陽羅山光州光山

固始商城等十一暢岸共四十二州縣
淮北惟甯江運入岸及天長一縣未改
因其運不力
票法爰改更自應隨衆販豈得強兼并認課及認引
邪說未可聽猾黠見票鹽利厚妄覬壟斷乃怙官督認課認引之說希圖朦混盤踞
尙無益前經委員督商抽運發給庫本並令官運接濟皆無成效此輩復何能奉
行期永久惟在守章程奉行或不能盡善難免流弊惟當守定章程隨時補救

十八

臨興有三嚏僻在海一隅

臨興場之唐生興莊柘汪三嚏遠隔青口不相連續

相距百餘里頗與內地殊東連郟莒界沿海屬贛榆

運道轉小海官商每踟躕

三嚏運鹽須沿海舟運至臨浦方入場河厥地

盡烏鹵掃鹽雪不如鹽多商不收私販乃爭趨食店

三百引代納名竟虛

賴榆設食鹽店一所歲銷三百引所借底馬從未繳納淮南代

完雜款亦屬空談

醃切通漁販秋蟹春多魚

青口爲醃切口岸春秋魚蟹二

汛銷鹽千餘引

憶昨來胸陽草創立規模彈丸隔荒遠捐棄

計或疏

初以三噓寫遠擬置不問

翩然請自試

余以三噓透私甚多恐礙大局乃請

親往查勘情形始定議設局收稅令民販請票自赴電戶買鹽

一葦尋方壺其夕泊

青口其時七月初茫茫山海外逸氣凌蒼梧明日歷

瞳竈徧詣煎丁廬開誠布忠信苦累爲蠲除民竈大

歡喜踴躍樂征輸經營事瑣碎

三噓情形各異卽醃切名目甚多有春魚

船孟河船復水船蟹船北洋南洋夏開男船鈞船網船鱮子旱男海蜆幫猪籃包自醃醬園歇家等名目

請票自十五引至一百斤不等

土風悍且愚網羅致豪猾搜捕清雉

符亂絲漸就理反側皆安居三噓次第唐生噓在青口南十里

里興莊噓在青口北二十里柘汪噓在青口西北七

十里皆為巨梟出沒之區先于青口設總局旋於興

莊柘汪各設分局收稅劉幼竹劉筠臣遂同內五

局一例渡江湖初議祇收食鹽醃切之稅後舊增三

十倍上年行銷萬引今二百倍餘本年引逾六萬且

言利亦不易致富豈無書歲暮我將返一舸追雙鳧

十九

泗上亂峯多洪湖清瀾瀾龜山鎖支祁至今藏奸宄

連檣大艚來探丸衝波起咫尺成畏途待渡舟爭艤

下令搜道逃湖山重湔洗渠魁法必誅洪澤湖為票

鹽必經之地

匪徒潛聚搶奪頻聞宮保遴派文武員弁
搜捕拏獲巨梟戈三銀等正法湖路肅清
已淮泗瀦巨浸周圍數百里分防勢多歧專制乃足
恃移駐一軍來控禦資料理宮保奏請將錢家集都司改為內河水師移駐
老子山專緝湖盜凶徒歛迹桴鼓不復驚鴨船洪湖小競銜尾月
明帆影斜櫂歌清入耳

二十

利弊每相因市井尤叵測小疵不足糾大害須早革
近聞場局閒居奇頗抑勒名爲廣暢岸實連滯亦塞
挾貲遠方來買鹽竟難得垣廩堆如山皆云有主客
及問客何名詭姓示空冊添價暗相求傲睨有客色

輾轉故羈延刁難肆挑剔意使諸民販虧折無餘息
裹足不復前把持乃獨益費減成本輕連道又改關
票法借轉關盤踞泯無迹場局氣若通官且爲所惑
自捆復自收浮帶誰能覈獲兎可忘蹄謀狐焉得腋
是宜掃陰霾震蕩飛霹靂庶幾寬大政普被無阻隔

二十一

任事貴曉事用人貴用心從來豪傑士一諾輕千金
諸葛集衆益威德感人深南荒不復反亦由七縱擒
微才羈下吏驚馬繫寒林忽蒙冀野顧驤首天山岑
時蒙奏保儘先升用鹽車困苟免誓當馳飛禽同時展驥足騰

趙何駿駿

伍松文刺史龔藍生州判孫琪園參軍孫蘭溪少府孫北山知事紹恆同摺保舉

伏櫪志千里未憂力不任燕昭市駿骨萬古懷德音

二十二

大臣任封疆公忠報

至尊小吏感知遇奔走効劬勤我生幸遭際識拔蒙
陶甄所行多創舉所值多糾紛鹽筴非素習初喜聞
未聞淮南隨

星使亭場始週巡

道光十年十一月奉委隨同星使福智查勘淮南通分司所屬場

竈

繼住眞州渡江船尤不馴

十一年三月委赴儀徵編查江船實給水腳等

事

淮北會一到事事難直陳

先於二月奉委查勘淮北情形求去豈

得已

六月稟求回蘇

再來益恂恂

十二年正月又奉調赴淮北勦辦票鹽

三日

赴板浦議論猶紛紜七月來祝其開闢披荆榛泰碑

求荒島遠出鶯游門

閏九月出洋巡哨登秦山訪始皇碑篆遂乘潮至鶯遊山察看

海柘汪近荻水

海口名

阿夜山

名晝常昏約束遵號令扞

蔽爲籬藩

柘汪三面俱接東境爲唐生興莊二疇藩籬

輸納既有則民情

亦欣欣

青口不設局商不用場商鹽價盡給竈戶無把持中飽之弊又創歸園挂號自稽晒掃之

法令民販赴局挂號親在所派園池協同團長局差稽查竈戶晒掃歸公團每人一號每號一百引十

號爲一起齊心合力分團稽查俟團鹽足數合計均

分給票捆運前起捆完後起接續人自爲力場竈肅

清擡價搶收透私把持諸弊一掃盡除矣胡爲懷激烈欲悔舌莫捫平生

矢忠直况遇非常人姓名六奏

覽

自道光四年至今歲二月十年

獎敘四承

之中賤名六次奏蒙

御覽

恩

四年勸挑邳州河道六年辦理海運八年挑浚吳松江十三年勦辦票鹽凡四奉

恩旨儘先升

用

感激方圖報豈復憂艱辛念此票鹽法思欲垂千

春推之廣四海一隅何足云作詩備掌故後世有遵

循

五十初度漫成六首

百歲光陰已半過棲遲海上悔蹉跎身緣習苦精神
健心爲忘憂意氣和黃鵠久應翔太液白鷗猶是戀
滄波蓬瀛咫尺無舟渡日對雲臺醉嘯歌

圮上題詩憶舊盟

道光三年四十初度時在邳州舊城有詩紀之

萬枝香雪

乍遷鶯

五年調太湖東山人

人稱李廣爲飛將我喜廉頗用趙

兵漕海船從天外出疏江水自地中行東山不負蒼

生處絲竹中年少勝情

調任後初辦海運繼後吳淞其在東山僅數月耳

漫道鮎魚上竹竿剛從茂苑徙金壇

道光八年升蘇州照磨九年升

金壇

縣丞原知捐急難逢世恰幸疏情未曠官三浚秦淮

來建業

道光九十年十一十三等年凡三浚秦淮河

重瞻

魏闕入長安

入年解餉進京

多年養默思韋佩制伏胸中一

字難

林少穆中丞陳皋三吳時題制一怒字額于廳事余見而服膺篇爲小印以當韋佩而遇事輕

怒每多後悔一字之箴至今未能也

誰籌王海度支添禹筴重申令乙嚴豈是屯邊中馬

價明史食貨志正統三年開中馬鹽按今捆何會計

鹽過掣日羅馬義糧日底馬尚沿舊稱

法鹽文獻通考天成元年敕諸州府百姓合散

之錢謂思歸壘斷羣謀急法許均輸四善兼上年淮

票鹽之初多所阻撓及行之半載場鹽暢銷舊壘謀

課稅逾額竈丁溫飽皖豫皆食賤鹽私梟興利可知

非易事須從痛處下鍼砭

自憐奔走徧天涯往事多成鏡裏花五十功名猶下

吏半生知己屬長沙浮沈薄秩垂三十年受知當代

制府湘潭周石芳少農善化唐陶山賀肩隨兄弟分

偶庚兩方伯皆隸長沙郡尤可異也

飛雁膝繞兒孫待哺鴉薄宦何如歸去好上田茅

屋課桑麻

吾鄉兩山間田曰坑田坑上山下曰塋田

丞哉那不負松廳終日勞勞睡又醒到處爲家原駐

世隨時取醉卽延齡會游上下中天竺每憶東西兩

洞庭若許烏衣尋舊宅謝公墩接蔣山青

前遊西湖後官洞庭

愛其山水之勝均有卜居之想近與友人相期又欲買鄰白下而囊空趙壹巡荒陶潛未知何日踐約也

初見白髮

星星忽訝點飛蓬短布蕭然本素風漸看盈顚霜雪滿從今頭腦要冬烘

孫蘭溪少府

豐

以其八世祖忠靖公白谷大

司馬手翰見示謹次長平懷古三絕原韻

以志景仰

一代興亡逝水過行間猶灑淚痕多出關早信非全策爭奈中朝促戰何

長平坑骨久叢殘弔古心餘一寸丹想見橫刀衝陣日干霄應透劍光寒

七葉忠貞奕世家書成佳傳印泥沙

時以梁山舟侍講手書華陰王

山史所著公傳石刻見寄

雁門詩卷應同寶

雁門祠堂內藏手著詩草兩卷用麝紙寫

各有綠樹祠堂噪晚鴉

附原作和契屯長平懷古三絕

孤征匹馬此經過極目蕭蕭客恨多徙木未聞坑

降令長平這會更因何

忍將萬衆付摧殘殺氣橫雲草
飛丹白骨滿坑猶未冷秦中子弟已心寒

荒墟月落少人家幾點寒星滿
磧沙疑是怨魂消未盡空林無處不棲鴉

歲暮

歲暮何堪擁鼻吟海天冰雪峭
寒深畱餘堂上千回步銷得年來一片心

差次青口僑居宋氏之畱餘堂者二年

除夕

聲聲臘鼓報春知醉把屠蘇有所思
青口兩年于役

處白頭五十服官時冰連鴨島開應早花滿鶯山放

莫遲都爲命宮逢驛馬余驛馬落于命宮與官祿相躋勞勞塵海苦

奔馳